

ՀԱՇՎԵՏՎՈՒԹՅՈՒՆ

«Արմավիրի մարզի Շահումյանի թ/ֆ համայնքի ղեկավարի 2014թ. առաջին կիսամյակի ընթացքում կատարած աշխատանքների վերաբերյալ

18.07.2014

Հարգելի համայնքի բնակիչներ և հյուրեր.

Ղեկավարվելով «Տեղական ինքնակառավարման մասին» Հայաստանի Հանրապետության օրենքի պահանջներով, ձեր ուշադրությանն են ցանկանում ներկայացնել հաշվետու կիսամյակի ընթացքում իրականացված աշխատանքներն ըստ առանձին բնագավառների:

Համայնքն ունի 295.0 հա հողատարածք, որից 220.9 հա գյուղատնտեսական նշանակության են: Բնակչության թիվը համայնքում կազմում է 1218 մարդ, տնտեսությունների քանակը՝ 216: Հաշվետու կիսամյակում ծնվել են 5 երեխաներ:

Ինչպես ամեն տարի, այս տարի ևս գյուղապետարանը կազմակերպել է և Ազգային վիճակագրական ծառայության Վաղարշապատի տարածքային բաժին է ներկայացրել աշխատակազմի միջոցով իրականացված անասնազխանակի հաշվառումը, ցանքատարածությունների հունիսյան հաշվառումը, յուրաքանչյուր ամսվա ստացած բերքի հաշվառման ցուցանիշները, գարնանացան ցանքատարածությունների բերքատվության ամսական արդյունքները:

1. Սոցիալ-տնտեսական բնագավառ

Ի նպաստ համայնքի բնակչության սոցիալ-տնտեսական զարգացման՝ 2014 թվականի 1-ին կիսամյակի ընթացքում գյուղապետարանի աշխատակազմի կողմից կատարվել են որոշակի աշխատանքներ: Հնարավորության սահմաններում կազմակերպվել են համայնքի սոցիալապես անապահով ընտանիքներին ֆինանսական օգնություն ցուցաբերելու աշխատանքներ, որի համար համայնքի բյուջեից հատկացվել է 680.0 հազար ՀՀ դրամ: Այս կիսամյակի ընթացքում Շահումյանի թ/ֆ համայնքի 24 անապահով ընտանիքների տրվել է դրամական օգնություն, որը ծառայել է ֆինանսապես անապահով ընտանիքների կարևոր հիմնախնդիրների լուծման համար:

Ֆինանսական օգնությունը տրվելիս հաշվի են առնվել համայնքի բնակիչների սոցիալական վիճակը, ավագանուն ուղղված նրանց դիմումները: Բոլոր դիմումները քննարկվել են համայնքի ավագանու կողմից անցկացված նիստերում:

Գյուղում մեծ ուշադրություն է հատկացվում երիտասարդներին, նրանց համար հետաքրքիր միջոցառումների կազմակերպմանը: 2014 թվականի փետրվար ամսին

համայնքում կազմակերպվեց Տեառնդառաջին նվիրված միջոցառում, որի ժամանակ 5 նորապսակ զույգերի բաժանվեցին նվերներ՝ ոսկյա մատանիների տեսքով:

Միջոցառում է կազմակերպվել նաև Մարտի 8-ի առթիվ, որի ժամանակ ժամկետային զինվորական ծառայության մեջ գտնվող անձանց մայրերին հատկացվել են նվերներ: Հետաքրքիր միջոցառում է կազմակերպվել նաև ապրիլի 7-ին՝ Մայրության և գեղեցկության տոնի առթիվ: Համայնքում 2014 թվականի մայիսի 28-ին Առաջին Հանրապետության օրը նույնպես նշվել է միջոցառման տեսքով:

« Վերջին զանգի » միջոցառման առթիվ Շահումյանի միջնակարգ դպրոցին համայնքի բյուջեից հատկացվել է 200.0 հազար ՀՀ դրամ: Իսկ Հունիսի 1-ին Երեխաների պաշտպանության օրվա առթիվ Շահումյանի միջնակարգ դպրոցի 1-ին դասարան հաճախող երեխաներին հատկացվել են նվերներ:

2. Քաղաքաշինության և կոմունալ տնտեսության բնագավառ

2014 թվականի առաջին կիսամյակի ընթացքում համայնքում պարբերաբար իրականացվել են աղբահանության աշխատանքներ, որի համար հատկացվել է 480.0 հազար ՀՀ դրամ:

Սիստեմատիկ իրականացվել է փողոցների լուսավորության աշխատանքը:

Հաշվետու կիսամյակի ընթացքում մասամբ վերանորոգվել են նաև համայնքի ճանապարհները: Փողոցների քանդված փոսերը լցվել են խճաքարերով:

3.Պաշտպանության բնագավառ

Աջակցել ենք նաև էջմիածնի զինվորական կոմիսարիատի գործունեությանը՝ տրամադրելով հնարավոր բոլոր անհրաժեշտ տեղեկությունները և փաստաթղթերը համայնքում գորակոչին ենթակա անձանց վերաբերյալ:

4. Ֆինանսների բնագավառ

Հաշվետու կիսամյակի ընթացքում օրենքով սահմանված կարգով Շահումյանի թ/ֆ համայնքի գյուղապետարանի աշխատակիցների կողմից կազմակերպվել են նաև հողի հարկի, գույքահարկի հավաքագրման և վերահսկման աշխատանքներ: Հողի հարկը կիսամյակային պլանի համաձայն զանձվել է 116.0 %, գույքահարկը՝ շենքերի- շինություններինը՝ 47.2 %, փոխադրամիջոցներինը՝ 82.3 %:

Համայնքի բյուջեի եկամուտներից սեփական եկամուտների կատարողականը կազմում է 91.9 %:

Շահումյանի թ/ֆ համայնքի ղեկավարությունը բնակիչների հետ մշտապես գտնվում է անմիջական շփման մեջ՝ ուշադրություն դարձնելով վերջիններիս բազմաբնույթ խնդիրների լուծման համար դրված ցանկացած առաջարկություն: Բնակիչներից յուրաքանչյուր ոք, դիմելով գյուղապետարան, բոլոր հարցերի համար ստացել է սպառիչ պատասխաններ: Գյուղապետարանը հնարավորությունների սահմանում աջակցել է բնակչությանը այլ հիմնարկ-ձեռնարկությունների հետ ունեցած խնդիրների համահարթեցմանը՝ ցուցաբերելով խորհրդատվական օգնություն: Շուրջ 150 բնակիչներ հաշվետու կիսամյակի ընթացքում ստացել են բազմաբնույթ բովանդակությամբ տեղեկանքներ::

2014 թվականի 1-ին կիսամյակի ընթացքում Շահումյանի թ/ֆ գյուղապետարան տարբեր հիմնարկություններից մուտքագրվել են շուրջ 100 պաշտոնական բազմաբնույթ գրություններ, որոնք պատասխանվել են ըստ անհրաժեշտության:

Նաև ի կատարումն համայնքների ավագանիներին 2009 թվականին ուղղված մեթոդական նամակի պահանջների՝ Հայաստանի Հանրապետության արդարադատության նախարարություն ենք ուղարկել համայնքի բյուջեի փոփոխությունները, համայնքի բյուջեի կատարման տարեկան հաշվետվությունը հաստատող որոշումների փաթեթները:

Ցանկացած նորամուծություն օրենքի բնագավառում, որը վերաբերում է համայնքի բնակիչների առջև դրված հիմնախնդիրների լուծմանը, հողի հարկի և գույքահարկի, պետական տուրքերի մուծմանը, ինչպես նաև այլ կարևոր հարցերի, բնակիչներին տեղեկացրել են Շահումյանի թ/ֆ համայնքի գյուղապետարանի աշխատակիցները:

Հաշվի առնելով այս ամենը՝ համայնքի ղեկավարությունն արածը չի համարում բարձր ցուցանիշ և դրանով չի բավարարվելու: Համայնքի զարգացմանն ուղղված աշխատանքները միշտ ընթացքի մեջ են և շարունակական:

ԳՅՈՒՂԻ ԱՌԱՋՆԱՀԵՐԹ ԽՆԴԻՐՆԵՐԸ

1. Համայնքի համար առաջնահերթ լուծման խնդիր է հանդիսանում գազաֆիկացման հարցը:
3. Համայնքում մանկապարտեզի բացակայությունը նույնպես առաջնահերթ խնդիր է:
4. Համայնքի ճանապարհներն ունեն բարեկարգման և ասֆալտապատման կարիք:
5. Բազմաբնակարան շենքերի տանիքներն ունեն վերանորոգման կարիք:

6. Համայնքում չկա մշակույթի տուն:

7. Սեփականաշնորհված հողերը 5-րդ կարգի են, անեկամտաբեր են, իսկ բնակչությունը այլ եկամտի աղբյուր՝ աշխատանք չունի:

Շահումյանի թ/ֆ համայնքի ղեկավար



Ա. Յայլոյան